

VINDAFJORD KONTROLLUTVAL

PROTOKOLL

Onsdag 12. februar 2025 blei det halde møte i Vindafjord kontrollutval under leiding av leiar Håvard Rørtveit.

MØTESTED:	Vindafjord rådhus, formannskapssalen
MØTESTART/SLUTT:	Kl. 15.00 – 16.15
MØTENDE MEDLEMMER:	Håvard Rørtveit (H), Olaug Mari Øen (Sp) Steinar Skartland (Krf) Liv Hovland Ruud (SV) og Knut Jørgen Sandvik (VL)
MØTENDE VARAMEDLEMMER:	Ingen
FORFALL:	Ingen
FRA SEKRETARIATET MØTTE:	Utvalssekretær Sjur Hatlen - Haugaland Kontrollutvalgssekretariat IKS
FRA ROGALAND REVISJON:	Statsautorisert revisor Therese S. Bjørkeland
FRA ADMINISTRASJONEN:	Kommunedirektør Yngve F. Bergesen Kommunalsjef oppvekst Nils Erik Eide i sak 2
ANDRE SOM MØTTE:	Ingen
MERKNADER TIL INNKALLING:	Ingen
MERKNADER TIL SAKLISTEN:	Ingen

FØLGJANDE SAKER BLEI HANDSAMA:

SAK 01/25 GODKJENNING AV PROTOKOLL FRÅ MØTET 06.11.24

Sekretariatet sitt framlegg til vedtak:

Protokoll frå møtet i Vindafjord kontrollutval 06.11.24 blir godkjent slik han ligg føre.

Handsaming i kontrollutvalet 12.02.25:

Utvalet hadde ingen merknader. Protokollen blei godkjent slik han var lagt fram.

Samrøystes vedtak i kontrollutvalet 12.02.25:

Protokoll frå møtet i Vindafjord kontrollutval 06.11.24 blir godkjent slik han ligg føre.

SAK 02/25 ORIENTERING OM OPPVEKST – V/KOMMUNALSJEF

Sekretariatet sitt framlegg til vedtak:

Vindafjord kontrollutval tar gjennomgangen om oppvekst frå kommunalsjef Nils Erik Eide til orientering.

Handsaming i kontrollutvalet 12.02.25:

Kommunalsjef for oppvekst Nils Erik Eide viste ein presentasjon orienterte om sitt arbeids- og ansvarsområde. Han viste ei oversikt over einingane innan oppvekst, inkludert skular, barnehagar, barnevern, PPT, kulturskule og skulebibliotek. Kommunalsjefen har ansvar for budsjett og økonomistyring, utvikling av tenester, kompetanseheving, kommunikasjon mellom heim, skule og barnehage, samt teamleiing. Han synte òg møtepunkt og samarbeidsarenaer for oppvekst i kommunen og med nabokommunar.

Han viste korleis skulestrukturen vil sjå ut frå hausten 2025 og informerte om satsinga på lesing. Den overordna strategien for oppvekst handlar om pedagogikk og utvikling i skular og barnehagar. Det er stort fokus på samarbeid mellom ulike faggrupper rundt barn og unge.

Utfordringar i oppvekst er mellom anna demografiske endringar og mottak av flyktningar.

Til slutt blei det informert om arbeidet med å handtere vald i skulen. Prosjektet "Trygg i Vindafjordskulen" skal bidra til betre risikovurdering (ROS-arbeid) i skulen. Avvikssystemet Compilo har gjort det enklare å rapportere avvik.

Medlemmene fekk svar på spørsmål om mellom anna tilknytning til IKT NordHordaland, rekruttering av personar med rett kompetanse, integreringstilskot for å busette flyktningar, kommunen sitt oppfølgingsansvar og avviksrapportering.

Leiar takka for ei grundig og interessant orientering.

Samrøystes vedtak i kontrollutvalet 12.02.25:

Vindafjord kontrollutval tar gjennomgangen om oppvekst frå kommunalsjef Nils Erik Eide til orientering.

SAK 03/25 OPPFØLGING AV FORVALTNINGSREVISJONSRAPPORT – «PLAN OG BYGGJESAK»

Sekretariatet sitt framlegg til vedtak og innstilling til kommunestyret:

Vindafjord kommunestyre tar kommunedirektøren si tilbakemelding om oppfølging av revisjonsrapporten om «Plan og byggjesak» til orientering.

Handsaming i kontrollutvalet 12.02.25:

Leiar innleia. Kommunedirektøren gjorde greie for den skriftlege tilbakemeldinga.

Utvalet fekk svar på spørsmål om mellom anna prosessen rundt revisjonsrapporten og oppfølginga av denne.

Kommunedirektøren meinte at administrasjonen kjente seg igjen i anbefalingane frå revisor. Utvalet var nøgd med tilbakemeldinga og hadde ingen merknader.

Samrøystes vedtak i kontrollutvalet 12.02.25 og innstilling til kommunestyret:

Vindafjord kommunestyre tar kommunedirektøren si tilbakemelding om oppfølging av revisjonsrapporten om «Plan og byggjesak» til orientering.

SAK 04/25 PLAN FOR ORIENTERINGAR FRÅ ADMINISTRASJONEN

Sekretariatet sitt framlegg til vedtak:

Vindafjord kontrollutval vedtek følgjande plan for orienteringar frå administrasjonen:

12.02.25	oppvekst v/kommunalsjef
14.05.25	om organisasjonen v/kommunalsjef
17.09.25	Øyane ASVO AS
05.11.25	om barnevernet

Tidsramma vert sett til 30 min. inkludert spørsmål.

Sekretariatet får fullmakt til å invitere i ei anna rekkefølge enn slik lista over kommunale leiare er sett opp, dersom den inviterte ikkje har høve til å stille i det aktuelle møtet.

Handsaming i kontrollutvalet 12.02.25:

Medlemmene diskuterte framlegget til plan for orienteringar frå administrasjonen og kommunale selskap for 2025. Utvalet blei samde om å sette opp Haugaland Brann og redning IKS i tredje møte og flytta Øyane Asvo til første møte i 2026. Leiar føreslo at planen over orienteringar blir sett opp i annakvart møte, medlemmene støtta dette.

Samrøystes vedtak i kontrollutvalet 12.02.25

Vindafjord kontrollutval vedtek følgjande plan for orienteringar frå administrasjonen:

12.02.25	oppvekst v/kommunalsjef
14.05.25	om organisasjonen v/kommunalsjef
17.09.25	Haugaland brann og redning IKS
05.11.25	om barnevernet

1. møte 2026 Øyane Asvo AS

Tidsramma vert sett til 30 min. inkludert spørsmål.

Sekretariatet får fullmakt til å invitere i ei anna rekkefølge enn slik lista over kommunale leiare er sett opp, dersom den inviterte ikkje har høve til å stille i det aktuelle møtet. Utvalet ber om å få saka til handsaming i annan kvart møte.

SAK 05/25 ÅRSMELDING FOR KONTROLLUTVALET 2024

Sekretariatet sitt framlegg til vedtak:

Vindafjord kontrollutval godkjenner årsmeldinga for 2024 (med eventuelle endringar som kjem fram i møtet).

Innstilling til kommunestyret:

Vindafjord kommunestyre tek årsmeldinga for 2024 frå kontrollutvalet til orientering.

Handsaming i kontrollutvalet 12.02.25:

Leiar innleia om saken. Sekretær informerte om innhaldet i årsmeldinga. Medlemmene meinte årsmeldinga ga en fin oversikt over aktiviteten i utvalet.

Steinar Skartland stilte spørsmål om rapporten om «kompetanse og rekruttering innen helse» som blei bestilt i november 2024 er i rute. Revisor svara at arbeidet med rapporten var godt i gang og at det er planlagt at den blir lagt fram for utvalet i løpet av hausten 2025.

Samrøystes vedtak i kontrollutvalet 12.02.25:

Vindafjord kontrollutval godkjenner årsmeldinga for 2024.

Innstilling til kommunestyret:

Vindafjord kommunestyre tek årsmeldinga for 2024 frå kontrollutvalet til orientering.

SAK 06/25 REFERAT- OG ORIENTERINGSSAKER 12.02.25

01. Statusrapport pr. februar 2025
02. KST-vedtak sak 53/24 Plan for forvaltningsrevisjon og eigarskapskontroll
03. Tertialrapport pr. 31.12.24 frå Rogaland Revisjon IKS
04. Protokoll frå representantskapsmøte i HIM IKS 27.11.24
05. Invitasjon til FKT's fagkonferanse 3. - 4. juni på Gardermoen
06. Statsforvalteren i Rogaland - Informasjon om statlige tilsyn med kommunane i 2025

Handsaming i kontrollutvalet 12.02.25:

Leiar gjekk gjennom referatsakene, og informerte om at han ønskte å reise på konferansen i juni. Utvalet blei einige om at dei som ønsker å reise på konferansen tar kontakt med sekretær.

Utvalet hadde elles ingen særskilte merknader til referatsakene.

Samrøystes vedtak i kontrollutvalet 12.02.25

Referatsaker 1 – 6 blir tatt til orientering.

YMSE

Ingen saker blei meldt eller tatt opp.

Neste møte: onsdag 14.05.25, kl. 15.00

Foreløpige saker: orientering om organisasjonen og årsregnskapet for 2024

Ølen/Aksdal, 12.02.25

Håvard Rørtveit
Leiar av kontrollutvalet

Sjur Hatlen
Utvalssekretær